

diquaque usque adeo doctum, ut Musarum & Gratiarum manibus videatur formatus fuisse. Limatissimum ejus de Nihilo carmen, quum ad unguem sit factum, & in arce prope Phidiæ Minervam collocari mereatur; usque adeo placuit venerando illi Theodoro Bezae, ut singulari quoque Epigrammate commendare voluerit. Quum videretur mihi ad antiquitatis majestatem assurgere, tanti putavi, ut Notis illustrarem, quas superaddidi, non ut eruditionem atque multijugam lectionem ostentarem, sed, ut Lectori succurrerem. Illud si agere voluissem, volumen sub manum natum fuisset. At, nunquam mihi probari potuit institutum virorum, cætera egregiorum, qui, omnia quæ observarunt, ad unum aliquem Scriptorem congerere satagunt. Authoribus, quibus per Annotationes destinatur Explicatio, si illæ æquo prolixiores fuerint, obscuritas procuratur, dum & citationum confertum agmen, & eorum, quæ præsentî instituto minus serviunt, quæsitæ ambages, Lectorem implicant. Ingenii felicitatem circa Nihilum probavit Passeratius, non omnia tamen, quæ alicui succurrere possent,